

# Radøy kommune

## Saksframlegg

Saknr	Utval	Type	Dato
066/2016	Formannskapet i Radøy	PS	30.08.2016
045/2016	Kommunestyret i Radøy	PS	21.09.2016

Sakshandsamar	Arkivsaknr.:	Dokumentnr.:
	15/148	16/10552

### Etablering av nytt selskap for hamnesamarbeid i bergensregionen og avvikling av dagens Bergen og Omland havnevesen (BOH)

#### Saksopplysingar:

##### Bakgrunn

Kommunestyret i dei elleve medlemskommunane i BOH har gjort prinsippvedtak om at BOH skal løysast opp under visse føresetnadar. Det er utarbeidd ein intensjonsavtale for eit nytt hamneselskap, som etter planen skal vera operativt frå 1. januar 2017. På eit ordførarmøte 17.06.2016 vart «Intensjonsavtale om avvikling av Bergen og Omland Hamnevesen og etablering av nytt regionalt hamnesamarbeid» signert av samtlege ordførarar.

#### Dei mest sentrale punkta i Intensjonsavtalen og vedtektene er:

- Oppretta eit nytt hamneselskap i form av eit aksjeselskap.
- Samtlege av dagens samarbeidskommunar vert eigarar med ulik eigardel, men der Bergen kommune og omlandskommunane eig 50 % kvar av aksjane i selskapet.
- Formålet med selskapet er å ivareta/samordna hamneoppgåver i eigarkommunane sitt hamnefarvatn, i dette ligg å arbeida for å utvikla hamnene i regionen som attraktive hamner i regional, nasjonal og internasjonal samanheng.
- Ved selskapsetableringa vil det verta skote inn aksjekapital på MNOK 5 frå Bergen kommune og til saman MNOK 5 frå omlandskommunane.
- Selskapet vil bli tilført verdiar frå hamnekapitalen i Bergen kommune med MNOK 540. Ein monaleg del av hamnekapitalen vil bli tilordna det nye selskapet i form av anleggsmidlar som hamnerelaterte driftsmidlar og særreigne hamneeigedomar-/innretningar frå dagens BOH.

I denne saka er det lagt det opp til at kommunestyra delegerer til formannskapet å handtera alle forhold knytt til avvikling av dagens BOH og etablering av eit nytt hamneselskap. Når det nye selskapet er stifta, vert det lagt opp til at styret saman med den daglege leiinga, vert ansvarlege for det vidare arbeidet med å få gjennomført dei formelle og praktiske oppgåvene tilknytta reetableringa av hamneverksemnda i det nye selskapet.

Det er lagt stor vekt på å få til ein samarbeidsmodell for det nye hamnesamarbeidet som alle samarbeidskommunane venteleg kan slutta seg til. For den nedsette arbeidsgruppa har det vore viktig å finna gode samarbeidsløysingar på tvers av kommunegrensene innanfor områda der dette er naturleg og til det beste for innbyggjarane, næringslivet og samfunnslivet elles.

Det vert stilt forventingar til at eit effektivt og velfungerande hamneselskap vil styrka regionen si

vidare utvikling og attraktivitet både når det gjeld busetnad, næringsliv og nyetableringar.

### **Selskapsvedtekter for det nye hamneselskapet**

I tillegg til intensjonsavtalen er det blitt utarbeidd forslag til vedtekter for det nye selskapet, jf. Vedlegg. Desse vedtektene er kortare og enklare enn dagens vedtekter i BOH, sidan aksjelova har omfattande reglar som avklarar dei fleste forhold av verd, også forholdet mellom selskapsorgana. Formålsparagrafen i selskapsvedtektene er også inntatt i intensjonsavtalen i sin heilskap, jf. nærmare kommentarar i pkt. 4 – selskapet sitt formål.

### **Fordeling av eigarskap og innskoten aksjekapital:**

Det nye hamneselskapet har 50 prosent A-aksjar og 50 prosent B-aksjar. Omlandskommunane skal ha hand om A-aksjane og Bergen kommune skal eiga B-aksjane. Intensjonsavtalen legg opp til at både Bergen kommune og omlandskommunane skal ha fire styremedlemer, og at Bergen kommune også kan velja kven som skal vera styreleiar.

Den nedsette arbeidsgruppa har lagt følgjande vekting til grunn ved utrekninga av omlandskommunane sin innbyrdes eigardel av A-aksjane i selskapet:

- 1/3 vekting etter felles basis
- 1/3 vekting knytt til folketal pr. mai 2016
- 1/3 vekting knytt til anløpsavgifter i 2012-2015

Kommune	% andel
Lindås	16
Fjell	11
Øygarden	8
Askøy	5
Os	5
Meland	1
Radøy	1
Sund	1
Austrheim	1
Fedje	1
Sum	50

Det nye hamneselskapet vil få ein aksjekapital på i alt 10 millionar kroner, fordelt på like stor sum på Bergen kommune og omlandskommunane. Radøy kommune har ein prosent av omlandskommunane sine 50 andelar og må dermed inn med ein aksjekapital på 50.000 kroner.

### **Innløysing og oppløysing**

I § 9 i selskapsvedtektene vert det slått fast dei einskilde aksjeeigarane sin rett til å gå ut av selskapet, og korleis aksjeposten til ein eigarkommune som evt. vel å tre ut av selskapet skal handterast, jf. også

siste avsnitt under pkt. 5 - *Aksjekapital og aksjeklasser*. Merk at den einskilde eigarkommune, ved ei eventuell oppløysing av selskapet, har rett til å kjøpa kaianlegg og annan fast infrastruktur som ligg i eigen kommune, men til marknadspris. Denne føresegna har parallellar til dagens vedtekter i BOH, nemleg § 15 *Oppløsning*.

### **Tilsette**

I fleire ordførarmøte har det vore peikt på at det er viktig å ha stor merksemd knytt til å ta vare på dei tilsette på ein trygg og god måte ved restruktureringa av hamnesamarbeidet i BOH.

### **Rådmannen sitt framlegg til vedtak:**

1. Radøy kommune godkjenner «Intensjonsavtalen av Bergen og Omland Havnevesen og etablering av nytt regionalt hamnesamarbeid – datert 17.06.2016.
2. Formannskapet får fullmakt til å stifte det nye hamneselskapet saman med dei øvrige samarbeidskommunane.
3. Formannskapet får fullmakt til å avvikla BOH når eit nytt selskap for den framtidige hamneverksemnda er etablert i samsvar med pkt 2.
4. Radøy kommune skyt inn aksjekapital kr 50.000 i det nye hamneselskapet. Kjøp av aksjane skal først i investeringsrekneskapen, og verdien vert ført i balansen som anleggsmidlar.  
Finansiering ved bruk av disposisjonsfond kr 50.000,-.

### **Formannskapet i Radøy - 066/2016**

#### **FS - handsaming:**

På grunn av vervet som leiar i hamnerådet i BOH sa ordførar Jon Askeland seg inhabil i saka. Han deltok difor ikkje i handsaminga, og varaordførar Jostein Borlaug var møteleiar i denne saka.

Formannskapet vedtok samrøystes rådmannen si tilråding.

#### **FS - vedtak:**

1. Radøy kommune godkjenner «Intensjonsavtalen av Bergen og Omland Havnevesen og etablering av nytt regionalt hamnesamarbeid – datert 17.06.2016.
2. Formannskapet får fullmakt til å stifte det nye hamneselskapet saman med dei øvrige samarbeidskommunane.
3. Formannskapet får fullmakt til å avvikla BOH når eit nytt selskap for den framtidige hamneverksemnda er etablert i samsvar med pkt 2.
4. Radøy kommune skyt inn aksjekapital kr 50.000 i det nye hamneselskapet. Kjøp av aksjane skal først i investeringsrekneskapen, og verdien vert ført i balansen som

anleggsmidler.

Finansiering ved bruk av disposisjonsfond kr 50.000,-.

### **Kommunestyret i Radøy - 045/2016**

#### **KS - handsaming:**

På grunn av vervet som leiar i hamnerådet i BOH sa ordførar Jon Askeland seg inhabil.

Kommunestyret kjende ordføraren inhabil, og han deltok ikkje i handsaminga. Varaordførar Jostein Borlaug overtok som møteleiar i saka.

Borlaug peika på ein feil i saksutgreiing/vedtaks-tilråding knytt til Radøy sin eigardel og aksjekapital i det nye hamneselskapet.

Rådmannen viste til at Radøy kommune skal ha ein prosent av den samla aksjekapitalen på 10 millionar kroner, og for Radøy sin del utgjør dette 100 000 kroner - ikkje 50 000 kroner slik saksutgreiing/vedtakstilråding

*På denne bakgrunn vart det sett fram følgjande endringsframlegg til punkt 4 i formannskapstilrådinga:*

Radøy kommune skyt inn aksjekapital kr 100 000,- i det nye hamneselskapet. Kjøp av aksjane skal først i investeringsrekneskapen, og verdien vert ført i balansen som anleggsmidler.

Finansiering ved bruk av disposisjonsfond kr 100 000,-.

Kommunestyret vedtok samrøystes formannskapstilrådinga, med endringsframlegg sett fram i møtet.

#### **KS - vedtak:**

##### **Rådmannen sitt framlegg til vedtak:**

1. Radøy kommune godkjenner «Intensjonsavtalen av Bergen og Omland Havnevesen og etablering av nytt regionalt hamnesamarbeid – datert 17.06.2016.

2. Formannskapet får fullmakt til å stifte det nye hamneselskapet saman med dei øvrige samarbeidskommunane.

3. Formannskapet får fullmakt til å avvikla BOH når eit nytt selskap for den framtidige hamneverksemnda er etablert i samsvar med pkt 2.

4. Radøy kommune skyt inn aksjekapital kr 100.000 i det nye hamneselskapet.

Kjøp av aksjane skal først i investeringsrekneskapen, og verdien vert ført i balansen som anleggsmidler.

Finansiering ved bruk av disposisjonsfond kr 100.000,-.

#### **Vedlegg:**

HAMNESELSKAP - Intensjonsavtale

Havneselskapet AS\_ utkast til vedtekter

